

四庫全書

史部

# 欽定四庫全書

史部

御批歷代通鑑輯覽卷六十一

詳校官侍講<sub>臣</sub>王燕緒

編修<sub>臣</sub>裴瀚覆勘

總校官進士<sub>臣</sub>程嘉謨

校對官編修<sub>臣</sub>吳舒帷

謄錄監生<sub>臣</sub>李邦燮

欽定四庫全書

御批歷代通鑑輯覽卷六十一

唐

文宗皇帝

太和元年夏四月章處厚請避位不許

虛懷聽納而不

上雖虛懷聽納而不能堅決與宰相議事已定尋復

室無成亦且小

人得以生計此

中變章處厚于延英極論之因請避位上再三慰勞

失策之大者也

之

以高瑀

冀州人

為忠武

貞元十年以陳許節度為忠武軍

節度使

自大歷以來節度使多出禁軍大將皆以倍稱之息  
貸錢以賂中尉動踰億萬然後得之未嘗由執政至  
鎮則重斂以償所負及是忠武帥王沛許昌人卒裴度  
韋處厚始奏用高瑀中外相賀曰自今債帥鮮矣  
六月以王播同平章事

播入朝力圖大用所獻銀器以千計綾絹以十萬計  
遂得宰相

秋七月葬莊陵

在西安府三原縣西北

八月充海節度使李同捷叛詔削其官爵發諸道兵討

之

初橫海節度使李全畧

本王日簡賜姓名

卒其子同捷擅領

留後朝廷經歲不問

全畧卒於寶歷二年三月敬宗特詔不下

及上即位

同捷冀易世之後或加恩貸遣使奉表請逆朝旨乃

移同捷鎮充海

朝廷猶慮河南北諸鎮構扇同捷使拒命乃悉加檢校官

已而同

捷託為將士所留不受詔詔削官爵命烏重胤王智

興等各帥本軍討之

同捷達其子弟以珍玩女妓賂河北諸鎮李載義執其姪并所

賂獻之史憲誠與全畧為婚獨以資財助同捷裴度不之知以憲成為無二心會憲成達吏至中書請事韋處厚謂曰晉公于上前以百口保汝使處厚則不然但仰俟所為自有朝典耳憲誠懼不敢復與同捷通時烏重脩屢破同捷兵王智興亦奏振棧州會重脩卒以李寰代之寰所過殘暴至則擁兵不進但坐索供饋詔改寰夏綏以李祐為橫海節度使

戊申 二年春三月親策制舉人

自元和之末宦官益橫建置天子在其掌握威權出

人主之右人莫敢言賢良方正劉蕡

字去華昌平人

對策極

言其禍

累四陛下宜先憂者宮闈將變社稷將危天下將傾海內將亂又曰陛下將杜篡弑之漸

則居正位而近正人遠刀鋸之賊親骨鯁之直輔相得以專其任庶職得以守其官余何以乘近五六人總天下之政禍稔蕭牆姦生惟慍臣恐曹節侯覽復生于今日又曰忠賢無腹心之寄閹寺持廢立之權陷先君不得正其終致陛下不得正其始又曰戚柄陵夷藩臣跋扈或有不迫人臣之節首亂者以安君為名不究春秋之微稱兵者以逐惡為義則政刑不由乎天子征伐必自乎諸侯又曰陛下何不塞陰邪之路屏褻狎之臣制侵陵迫脅之心復門戶掃除之役成其所宜戒憂其所宜憂既不能治于前當治于後既不能正其始當正其終則可以度奉典謨克承丕構矣昔秦之亡也失于強暴漢之亡也失之微弱強暴則賊臣畏死而害上微弱則奸臣竊權而震主伏見徽宗皇帝不虞亡秦之禍不剪其萌伏惟陛下

深軫亡漢之憂以杜其漸又曰臣聞昔漢元帝即位之初更制七十餘事其心甚誠其稱甚美然而綱紀日紊國祚日衰奸宄日彊黎元日困者以其不能擇賢明而任之失其操柄也又曰陛下誠能揭國權以歸相持兵柄以歸將則心無不遵行無不孚矣又曰法宜畫一官宜正名今分外官中官之員立南司北司之局或犯禁于南則亡命于北或正刑于外則破律于中法出多門人無所措實由農兵勢異而中外法殊也又曰今夏官不知兵籍六軍不主兵事軍容合中官之政戎律附內臣之職首一戴武弁疾文吏如仇讐足已騙軍門視農夫如草芥謀不足以剪除先逆而詐足以抑揚威福勇不足以鎮衛社稷而暴足以侵軼里閭竊威蕩臣下臨宰輔隳裂王度汨亂朝經張武夫之戲上以制君父假天子之命下以御英豪有藏姦觀釁之心無仗節死難之義豈先王經文緯武之旨耶又曰臣非不知言發而禍應計行而



考官既歎賞黃  
策乃以指斥官  
官積弊弗銖衡  
鑑之公安在諫  
官又復為執政  
所抑鉗口不言  
紀綱於是掃地  
矣

身戮益痛社稷之危哀生人之困宜  
忍姑息時忌竊陛下之一命之寵哉

考官散騎常侍

馮宿

字拱之婺州東陽人

等見黃策皆歎服而畏宦官不敢取

裴休

字公美濟源人

李卻

字子元進州延唐人

杜牧

字牧之孫佑之

崔慎田

字敬

止融之孫

等二十二人中第皆除官物論囂然稱屈諫官

御史欲論奏執政抑之李卻曰劉黃下第我輩登科

能無厚顏乃上疏曰黃所對策漢魏以來無與為比

今有司以黃指切左右不敢以聞恐忠良道窮綱紀

遂滅況臣所對不及黃遠甚乞回臣所授以旌黃直

不報黃由是不得仕于朝終于使府

節度御史幕府

秋九月詔削王庭湊官爵命諸軍討之

庭湊陰以兵助李同捷乃下詔罪狀庭湊削官爵命

諸軍四面討之

時同捷軍勢日盛庭湊不能救乃遣人說魏博大將并志紹使殺史憲誠

父子取魏博志紹遂作亂引所部兵二萬人還逼魏州義成節度使李聽討破之志紹奔鎮州

舊書作并音其皆

姓也未知孰是

冬十二月中書侍郎同平章事韋處厚卒

以路隋同平章事

宰相似可保其職固無所不統

自漢晉以來而  
告大言變理謝  
安自命風流於  
是不親案吏不  
視細事名尊相  
體資懷官常恐  
隋此言所謂知  
其一未如其二  
至楊國忠輩擅  
權通賄由於委  
任非人以彼貪  
險性成當日即  
不兼助務其能  
盡匡弼之職乎  
栢者雖不免急  
功然以諸道攻

隋言於上曰宰相任重不宜兼金穀瑣碎之務如楊  
國忠元載皇甫鏘皆姦臣所為不足法也上以為然  
於是裴度辭度支上許之

己酉 三年春二月橫海節度使李祐帥諸道兵擊李同捷  
破之夏四月同捷降滄景平

李祐帥諸道兵擊李同捷拔德州同捷請降祐遣大  
將萬洪守滄州宣慰使栢耆疑同捷之詐自將數百  
騎馳入滄州以事誅洪取同捷詣京師或言王庭湊

三年不能得之  
賊一旦誅之其  
功固可抵過也  
乃以李祐之死  
遂令自盡何以  
勵用命之士哉

欲以奇兵篡之者斬同捷傳其首諸道兵攻同捷三  
年僅能下之而者取為己功諸將疾之爭上表論貶  
者為循州司戶初祐病聞者殺洪大驚遂劇上曰祐  
若死是者殺之也祐尋卒賜者自盡

六月魏州軍亂殺其節度使史憲誠推何進滔靈武人知

留後以拒命秋八月以進滔為魏博節度使

初憲誠聞滄景將平而懼使其子唐

字得仁後更名孝章

奉表

請入朝且以所管聽命詔徙憲誠鎮河中而以李聽

鎮魏博憲誠竭府庫以治行將士怒殺憲誠奉兵馬  
使何進滔知留後聽至魏州不得入七月進滔出兵  
擊聽走之時河北久用兵饋運不給八月遂以進滔  
為節度使

以殷侑

陳州人

為齊德滄景節度使

是年始以齊州隸橫海

滄州乘喪亂之餘骸骨蔽地戶口存者十無三四侑  
至鎮與士卒同甘苦招撫流散勸之耕桑三年之後  
戶口滋殖倉廩充盈

敕王庭湊復其官爵

庭湊因鄰道微露請服之意遂赦之

以李宗閔同平章事

徵李德裕為兵部侍郎裴度薦以為相會宗閔有官  
官之助遂以宗閔同平章事宗閔惡德裕逼已出之

滑洲

九月命宦官毋得衣紗縠綾羅

上性儉素聽朝之暇惟以書史自娛聲樂遊畋未嘗

元穎暗事召衆  
誠不足惜然蠻  
人已襲陷諸州  
而不聲其內犯  
之罪乃因未誅  
節帥為之汲汲  
亟逐措置若此  
河北賊尚可去

留意駙馬韋處仁著夾羅巾上謂曰朕慕卿門地清  
素故有選尚如此巾服聽其他貴戚為之卿不須爾  
冬十一月禁獻奇巧及織纖麗布帛

南詔寇成都入其郭

西川節度使杜元穎以文雅自高不曉軍事減削士  
卒衣糧戍卒皆入蠻境鈔盜自給蠻人反以衣食資  
之由是蜀中虛實動靜蠻皆知之南詔嗟巔遂謀入

寇

初南詔勸龍晟淫虐不道弄棟節度使嗟巔殺之  
立其弟勸利勸利死立其弟豐祐豐祐趨敗善用

其下會杜元頴為治無狀嵯巔遂謀入寇勸龍晟  
異年再之孫弄棟漢縣南詔于此置府今日姚州為

姚安府治以蜀卒為鄉導襲陷雋戎邛州戎州唐置今四  
川叙州府是餘

注俱見前詔發近鎮兵救之嵯巔自引兵徑抵成都陷其

外郭大掠子女百工數萬人及珍貨而去嵯巔遣使  
上表曰杜

元頴不恤軍士軍士競為鄉導祈誅虐帥誅之不遂  
無以慰蜀士之心頴陛下誅之詔貶元頴循州司馬

庚戌四年春正月以牛僧孺同平章事

李宗閔引僧孺為相相與排擯李德裕之黨稍稍逐

之



二月興元軍亂殺節度使李絳三月以溫造為山南西道節度使討平之

南詔之寇成都也詔山南西道發兵救之節度使李絳募兵千人赴之蠻退而還詔悉罷之絳召新軍諭旨賜以廩麥而遣之皆怏怏而退監軍楊叔元素惡絳不奉己以賜物薄激之衆怒大譟掠庫兵趨使牙絳方宴走登北城或勸絳縋而出絳曰吾為元帥豈可逃去麾推官趙存約令去存約曰存約受明公知

何可苟免牙將王景延戰死絳存約等皆遇害叔元  
奏絳收新軍募直以致亂三省官上疏共論絳寬及  
叔元激怒亂軍之罪上始悟以溫造為山南西道節  
度使討亂兵造行至褒城遇興元都將衛志忠征蠻  
歸密與之謀以其兵八百人為牙隊五百人為前軍  
入府分守諸門既視事饗士卒志忠密以牙兵圍新  
軍殺之八百人皆死楊叔元起擁造靴求生造命囚

之詔流康州

唐置今肇慶府德慶州是

以柳公綽為河東節度使

陁北沙陀

沙陀保神武川在陁嶺之北

素驍勇為九姓六州胡所

畏伏公綽至鎮奏以其酋長朱邪執宜為陰山都督

使居雲朔塞下捍禦北邊

執宜入謁神彩嚴整進退有禮公綽謂僚佐曰執宜

外嚴而內寬言徐而理當福祿人也使夫人與其母妻飲酒饋遺之執宜感恩為之盡力自是虜不敢犯塞

夏六月以裴度為司徒平章軍國重事

度以老疾辭位故有是命仍詔三五日一入中書

秋七月以宋申錫

字慶臣史不詳何所人

同平章事

上患宦官彊盛元和寶歷逆黨猶在而中尉王守澄尤專橫常密與申錫言之申錫請漸除其偏上以申錫沈厚忠謹可倚以事擢為宰相

九月以裴度為山南東道節度使

初裴度征淮西奏李宗閔為判官由是漸獲進用至是宗閔怨度薦李德裕因其謝病出之

冬十月以李德裕為西川節度使

德裕在蜀治績  
實出杜黃裳章  
舉之上獨以門  
戶恩怨之見中  
畫雖中機宜而  
舉措動多隔閡  
況宗閥僧孺輩  
乎於此見黨人  
之禍人家國可  
為深歎

蜀自南詔入寇一方殘弊德裕至鎮作籌邊樓圖蜀  
地形南入南詔西達吐蕃日召老于軍旅習邊事者  
訪以山川城邑道路險易廣狹遠近未踰月皆若身  
嘗涉歷上命德裕修塞清溪關在今雅州府清溪縣南以斷南  
詔入寇之路德裕上言通蠻細路至多不可塞惟重

兵鎮守可保無虞

時北兵皆歸本道惟河中陳許三  
千人在成都有詔來年亦歸蜀人

恟懼德裕奏乞鄭滑五百人陳許千人以鎮蜀且言  
蜀兵脆弱新為蠻寇所困皆破膽不堪征戍若北兵  
盡歸則與杜元穎時無異朝廷建言罷兵益由禍不  
在身望人責一狀留个堂集他日敗事不可令臣獨

當國憲朝廷皆從其請德裕乃練士  
卒葺堡鄣積糧儲以備邊蜀人粗安

辛亥五年春正月盧龍將楊志誠逐其節度使李載義二  
月以志誠為留後

上聞志誠作亂召宰相謀之牛僧孺曰范陽自安史  
以來非國所有劉總暫獻其地朝廷費錢八十萬緡  
而無絲毫所獲今日志誠得之猶前日載義得之也  
因而撫之使捍北狄不必計其逆順上從之以載義  
恭順有功拜太保以志誠為留後

中錫引用王璠  
不害害成固守  
自貽伊戚特是  
文宗既與謀誅  
宦寺方且寄以  
腹心乃反間一  
行遂隨其術而  
不悟甚矣其情  
憤也

三月貶漳王湊

帝之弟

為巢縣公宋申錫為開州司馬

上與申錫謀誅宦官申錫引王璠

字魯玉元和初進士

為京兆

尹以密旨諭之璠泄其謀王守澄鄭注知之使人誣

告申錫謀立漳王上以為信然甚怒守澄欲遣騎屠

申錫家飛龍使馬存亮固爭曰如此則京城自亂矣

守澄乃止上命捕所告品官宴敬則等于禁中鞠之

皆自誣服獄成左常侍崔元亮

字晦叔磁州昭義人

給事中李

固言

字仲樞趙人

諫議大夫王質

字華卿五世孫

補闕盧鈞

字子

和藍田人等請以獄事付外覆按上曰吾已與大臣議之

矣元亮叩頭流涕曰殺一匹夫猶不可不慎重況宰相乎上意稍解復召宰相入議牛僧孺曰人臣不過宰相申錫復欲何求且申錫殆不至此注恐覆按詐覺乃勸守澄請止行貶黜存亮即日致仕坐死徙者

數十百人

申錫竟卒于貶所開成初詔復官爵

秋八月以崔郾為郢岳觀察使

郢岳多盜剽行舟郾訓卒治兵作蒙衝

戰船也

追討悉



誅之初卽在陝以寬仁為治或經月不答一人及至  
鄂嚴峻刑罰或問其故卽曰陝土瘠民貧吾撫之不  
暇尚恐其驚鄂地險民雜慄狃為奸非用威刑不能  
致治政貴知變蓋謂此也

九月吐蕃將悉怛謀以維州

注見前

來降

吐蕃維州副使悉怛謀請降盡帥其衆奔成都李德

裕遣兵據其城

維州城本姜維故  
壘在高碛山上

具奏其狀事下尚

書省集百官議皆請如德裕策牛僧儒曰土蕃之境

四面各萬里失一維州未能損其勢比來修好約罷

戍兵中國禦戎守信為上彼若來責失信養馬蔚茹

川

亦曰葫蘆河出今固原州西南北流至寧夏府入黃河元和志畧茹水在蕭關縣西一名葫蘆河

上平涼版萬騎綴回中怒氣直辭不三日至咸陽橋

此時西南數千里外得百維州何所用之上以為然

詔德裕以其城及忠怛謀忠歸之吐蕃吐蕃誅之于

境上極其慘酷德裕由是怨僧孺益深

尹起莘發明曰維州之降司馬氏光既是僧孺而胡氏寅又復非之此如訟牒紛拏孰從而折衷邪夫維

州唐之故壤吐蕃盜而有之幸而德裕展布方畧恣  
怛謀帥衆來降固非其他招納叛降之比胡乃拒而  
不納萬一河湟故土盡復版圖亦將却  
而絕之乎審此則牛李之是非決矣

壬子六年春正月羣臣上尊號不受

右補闕韋溫

字宏育貫之  
兄綬之子

言今水旱為灾恐非崇飾

徽稱之時上善之辭不受

冬十月立魯王永

帝長子

為太子

十二月牛僧孺罷

西川監軍王踐言入知樞密數為上言縛送恚怛謀

以快虜心絕降者非計也上亦悔之尤僧孺失策僧孺內不自安會上謂宰相曰天下何時當太平卿等亦有意于此乎僧孺對曰太平無象今四夷不至交侵百姓不至流離雖非至理亦謂小康陛下若別求太平非臣所及退謂左右曰主上責望如此吾曹豈得久居此地乎因累表請罷乃出為淮南節度使

昭義節度使劉從諫入朝

以李德裕為兵部尚書

杜惲欲用一言  
竊原德裕此時  
為宗閔畫策平  
憾耳若德裕已  
朝夕可望入相  
豈轉以知舉與  
御史大夫為重  
哉蓋德裕之意  
以惲為宗閔謀  
主故偽為驚喜  
寄謝冀緩其傾  
陷之計史家乃  
謂德裕實艷美  
科第清華何異  
癡人說夢然德  
裕之機詐實亦

初李宗閔與德裕有隙及德裕還自西川上注意甚  
厚朝夕且為相宗閔百方沮之不能深以為憂京兆  
尹杜惲謂曰德裕有文學而不由科第常用此為慚  
慚若使之知舉則可以平宿憾矣宗閔曰更思其次  
惲曰不則用為御史大夫宗閔曰可矣惲乃詣德裕  
告之德裕驚喜泣下寄謝重沓宗閔復與給事中楊  
虞卿謀之事遂中止

癸丑七年春正月加劉從諫同平章事遣歸鎮

初從諫以忠義自任入朝欲請他鎮既至見朝廷事柄不一心輕朝廷故歸而益驕

二月以李德裕同平章事

德裕入朝上與之論朋黨事時給事中楊虞卿與從

兄中書舍人汝士

字慕樂

等善交結依附權要上聞而

惡之故與德裕言首及之德裕因得以排其所不悅

者他日又復言及朋黨李宗閔曰臣素知之故虞卿

輩臣皆不與美官李德裕曰給舍非美官而何宗閔

書稱威克受克  
回行師不易之  
論而推之控馭  
外夷為尤宜觀  
載義以二卒守  
門回鶻即不敢  
犯今其勝嚴兵  
防衛遠矣無識  
者約東所過州  
縣逡巡供頓惟  
恐傷之損望長  
騎何足以言治

失色

夏六月以李載義為河東節度使

先是回鶻每入貢所過暴掠州縣不敢詰但嚴兵防  
衛而已載義至鎮回鶻使者李暢入貢載義謂之曰  
可汗遣將軍入貢修好非遣將軍陵踐上國也將軍  
不戢部曲使之侵盜載義亦得殺之勿謂中國之法  
可忽也于是悉罷防衛兵但使二卒守其門暢畏服  
不敢犯令

以鄭覃

子珣

為御史大夫

初李宗閔惡覃在禁中數言事奏罷其侍講上從容謂宰相曰殷侑經術頗似鄭覃宗閔對曰覃侑經術皆可尚然論議不足聽李德裕曰覃侑議論他人不欲聞惟陛下欲聞之幸甚後旬日宣出

不由宰相進  
擬從中宣出

除覃御史大夫宗閔謂樞密使崔潭峻曰事皆宣出安用中書潭峻曰八年天子聽其自行事亦可矣宗

閔愀然而止

未幾宗閔罷為山  
南東道節度使



秋七月以王涯同平章事兼度支鹽鐵轉運使

八月詔諸王出閣停進士試詩賦

上患近世文士不通經術李德裕請依楊綰議罷詩賦又言昔元宗以臨淄王定內難疑忌宗室不令出閣議者以為幽閉骨肉虧損人倫天寶之末建中之初所以悉為安祿山朱泚所魚肉者由聚于一宮故也陛下誠能聽其年高屬疎者出閣又除諸州上佐使携其男女出外婚嫁此則百年樊法一旦去之海

內孰不欣悅上曰茲事朕久知其不可今諸王豈無  
賢才無所施耳于是下詔并停詩賦然諸王出閤竟  
以議所除官不決而罷

既而德裕罷相  
進士復試詩賦

加盧龍節度使楊志誠右僕射

初以志誠為吏部尚書志誠怒不得僕射留官告使

朝廷不得已加志誠僕射別遣使慰諭之

杜牧憤河  
朔三鎮之

桀驁而朝廷議者專事姑息乃作書名罪言大畧以  
為上策莫如先自治中策莫如取魏最下策為浪戰  
不計地勢不審攻守是也又傷府兵廢壞作原十六  
衛畧曰貞觀中內以十六衛蓄養戎臣外開折衝果

穀府五百七十四以儲兵伍有事則戎臣提兵居外  
無事則放兵居內其居內也所部之兵散舍諸府三  
時耕稼一時治武籍藏將府伍散田畝力解勢破人  
人自受其居外也緣部之兵被擻乃來斧鉞在前爵  
賞在後黷暴交梓豈暇異圖自開元末愚儒請罷府  
兵武夫請將四夷于是府兵內削邊兵外作尾大中  
乾而天下掀然根萌燿然矣蓋兵居外則叛居內則  
篡使外不叛內不篡其置府立衛乎又作戰論以為  
河北視天下猶珠璣也天下視河北猶四支也河北  
氣俗渾厚果于戰耕加以土息健馬便于馳敵是以  
出則勝處則饒不窺天下之產自可封殖亦猶大農  
之家不待珠璣然後以為富也國家無河北則精甲  
銳卒良弓健馬無有也河東盟津滑臺大梁彭城東  
平晝宿厚兵不可他使六鎮之師低首仰給咸陽西  
北戎夷大屯赤地盡取饒能應費是猶四支盡解頭  
腹兀然其能以是久為安乎誠能治其五收則一戰

可定四支可生戰士離落兵甲鈍弊是不蒐練之過其敗一也百人荷戈千夫仰食此不責食之過其敗二也小勝則張皇邀賞貴極富濫則不肯搜奇出死此厚賞之過其敗三也多喪兵士顏淵大都跳身而來刺邦而去回視刀鋸氣色甚安此輕罰之過其敗四也大將兵權不得自專恩臣軟使迭來揮之此不專任之過其敗五也今誠欲調持干戈灑掃垢汙以為萬世安而乃踵前非是不可為也又作守論以為今之議者皆曰倭強之徒吾以良將勁兵為衝策高位美爵充飽其腸安而不撓外而不拘亦猶秦授虎狼而不拂其心則愈氣不萌此大盛貞元所以守邦也亦何必疾戰焚煎吾民然後以為快也愚曰生人油然多欲欲而不得乎亂隨之是以教管子家刑罰于國征伐于天下此所以裁其欲而塞其爭也大盛貞元之間盡反此道提區區之有而塞無涯之爭是以首尾指支幾不能相運掉也不知非此而反用以

為經見為盜者非止于河北而已又注孫子為之  
序曰兵者刑也刑者政事也不知自何代分為二道  
縉紳之士不敢言兵豈知自古主兵者必聖賢才能  
多聞博識之士乃能有功議于廊廟之上兵形已成  
然後付之于將耳彼為相者安得曰兵非吾事吾不  
當知哉 跳身謂逃至京師也刺邦謂貶為刺史也  
九月以鄭注為右神策判官

注依倚王守澄權勢燠灼上深惡之侍御史李欽

字言

源長慶初進士閤內奉彈注請付法司旬日之間章數十上

守澄匿注于右軍左軍中尉韋元素惡注軍將李宏  
楚說元素召而殺之因見上請罪元素從之注至蠟

屈鼠伏佞辭泉湧元素不覺執手歎曲以金帛厚遺而遣之宏楚怒解職去王涯為相注有功焉且畏王守澄遂寢李欵之奏守澄言注于上而釋之尋奏為

侍御史充右神策判官朝野駭歎

後注守太僕御史大夫舉欵自

代曰加臣之罪雖于理而無辜在欵之誠乃事君而盡節人皆哂之

冬十二月羣臣上尊號不受

羣臣上尊號會中使薛季稜自同華還言閭閻彫弊上歎曰關中小稔百姓尚爾況江淮比年大水其人

何如吾無術以救之敢崇虛名乎因以通天犀帶賞  
季稜羣臣四上表竟不受

上有疾

上始得風疾不能言王守澄薦鄭注上飲其藥頗有  
驗遂有寵然上自是神識耗減不能復故

甲寅八年春正月壬午朔日食

夏六月旱

上以久旱詔求致雨之方司門員外郎李中敏

字藏之隴

西人上表曰仍歲大旱直以宋申錫之寬濫鄭注之姦

邪今斬注而雪申錫天必雨矣不從中敏乃謝病歸

東都

冬十月幽州軍亂逐節度使楊志誠推史元忠主留務

志誠伏誅

元忠獻志誠所造袞衣僭物詔流嶺南道殺之

已而元

忠為盧龍

節度使

以李宗閔同平章事李德裕罷為山南西道節度使李



仲言為翰林侍讀學士

初李仲言流象州

仲言以武昭事獲罪具見前

遇赦還東都會留

守李逢吉

逢吉由山南節度留守東都

思復入相仲言自言與鄭

注善逢吉使仲言厚賂之注引仲言見王守澄守澄

薦于上言其善易仲言儀狀秀偉倜儻尚氣頗工文

辭有口辯多權數上見之大悅欲以為諫官置之翰

林李德裕曰仲言鄙所為計陛下必盡知之豈宜真

之近侍上曰然豈不容其改過對曰仲言之惡著于

心本

獨言心根

安能悔改上曰逢吉薦之朕不欲食言對

曰逢吉身為宰相乃薦姦邪以誤國亦罪人也上曰

然則別除一官對曰亦不可上顧王涯涯對曰可德

裕揮手止之上回顧適見不懌而罷始涯聞上欲用

仲言草諫疏極憤激既而見上意堅且畏其黨盛遂

中變尋以仲言為四門助教

給事中鄭肅韓偓封還敕書德裕出中書王涯

謂二人曰李公適留語令二閹老不用封敕二人即行下德裕聞之大驚曰有司封敕宜當東宰相意邪

鄭肅字人敬策陽人韓偓字相之長安人閹老唐兩省官相呼之稱

仲言及注皆惡

德裕以宗閔與德裕不相悅引宗閔以敵之及是上遂相宗閔而出德裕于興元以仲言為翰林侍讀學

士

仲言尋改名訓

十一月王庭湊死子元逵自知成德留後

元逵改父所為事朝廷甚謹

已而以元逵為節度使

以李德裕為鎮海節度使

先是德裕見上請留京師上以為兵部尚書及是李宗閔言德裕制命已行不宜自便詔復以德裕鎮浙

正人指邪人為  
邪邪人亦指正  
人為邪二語似  
矣然邪正固不  
容不別而朋黨  
實非朝廷所宜  
有如李德裕較  
之牛僧孺為畧  
正矣至其朋黨  
惡習何嘗不為  
當時之害

西時德裕宗閔各有朋黨互相擠援上患之每歎曰  
去河北賊易去朝中朋黨難

以王璠為尚書左丞

鄭注深德璠

世宗中錫之  
謀事見前

李訓亦與之善共薦之

乙卯九月春正月浚曲江及昆明池

鄭注言秦地有灾宜興役以禳之也

夏四月以李德裕為賓客分司路隋罷

初德裕為浙西觀察使漳王傅母杜仲陽坐宋中錫

事故歸金陵詔德裕存處之會德裕已離浙西牒留  
後李蟾使如詔旨至是王璠等奏德裕厚賂仲陽陰  
結漳王圖為不軌上怒甚路隋曰德裕不至此果如  
所言臣亦應得罪乃以德裕為賓客分司而以隋代  
為鎮海節度使不得面辭而去德裕尋復貶袁州長

史

制以上初得疾王涯呼德裕問起居不  
至入在蜀微進懸錢百姓愁苦貶之

以賈餗

字子美  
河南人

同平章事

餗性褊躁輕率與李德裕有隙而善于李宗閔鄭注

金史卷六十一  
故上用之

五月以仇士良

循州興寧人

為神策中尉

初宋申錫獲罪宦官益橫上不能堪李訓鄭注揣知  
上意數以微言動上上意其可與謀大事遂密以誠  
告之訓注遂以誅宦官為己任二人言無不從聲勢  
烜赫注多在禁中或時休沐賓客填門賂遺山積外  
人但知訓注倚宦官作威福不知其與上有密謀也  
上之立也仇士良有功王守澄抑之由是有隙訓注

為上謀進擢士良以分王守澄之權

六月貶李宗閔為明州刺史秋七月以李固言同平章

事

京城訛言鄭注為上合金丹須小兒心肝民間驚懼

鄭注素惡京兆尹楊虞卿與李訓共構之云此語出

于虞卿家人上怒下虞卿獄注求為兩省官李宗閔

不許注毀之于上會宗閔救虞卿上怒叱出貶之

虞卿

訓注間陳方畧  
未嘗非當時急

亦貶虔州司馬虔州以李固言為相訓注為上畫

唐置今江西贛州府是

務故言之足聳  
聽聞特二人皆  
姦邪無實所行  
不逮所言且復  
代與黨同駐此  
必報始則國上  
以行私既乃僨  
事而誤國是知  
以言取人未有  
不為金壬所惑  
者

太平之策以為當先除宦官次復河湟次清河北開

陳方畧如指諸掌上以為信寵任日隆連逐三相

李德

裕路隋威震天下于是平生絲恩髮怨無不報者

時人

皆言注朝夕且為相侍御史李甘揚言于朝曰白麻  
出我必壞之于庭遂貶封州司馬然訓亦忌注不欲  
使為相事竟寢李甘字和鼎長慶末  
進士封州唐置今肇慶府封川縣是

以鄭注為翰林侍讀學士貶李珣為江州刺史

注好服鹿裘以隱淪自處上以師友待之注之初得

幸上嘗問翰林學士李珣曰卿知有鄭注乎對曰臣



豈不知其人姦邪陛下寵之恐無益聖德至是以注

為工部尚書翰林侍讀學士珣貶江州時注訓所惡

皆目為二李

宋閔德裕

之黨貶逐無虛日班列殆空

陳宏志伏誅

時宏志為興元監軍李訓為上謀討元和之亂

憲宗之崩

當時皆言陳宏志弒逆事具前

召之至青泥驛

在漢中府略陽縣西北青泥嶺上

封

杖殺之

李固言罷以鄭注為鳳陽節度使

初注求鎮鳳翔固言不可乃出固言鎮興元而以注  
為鳳翔師李訓雖因注得進及勢位俱盛心頗忌注  
託以中外協勢以誅宦官故出注于鳳翔其實俟既  
誅宦官并圖注也

注請禮部員外郎韋溫為副使溫不可或曰拒之必為患溫曰擇禍

莫若輕拒之止于遠敗從之有不測之禍卒辭之

以舒元興李訓同平章事

元興為中丞凡訓注所惡者則為之彈擊由是得為  
相上懲二李朋黨以賈餗及元興皆孤寒新進故擢

為相庶其無黨訓起流人期年致位宰相天子傾意  
任之天下皆決于訓王涯輩承順其風指惟恐不逮  
冬十月以王涯為榷茶使

先是涯請改江淮嶺南茶法增其稅及是上問鄭注  
以富人之術注無以對乃請榷茶以涯為使其法籍

民茶園而量給之直官自造作人甚苦之

從注敗  
遂罷

殺王守澄

尹起莘曰按唐書王守澄陳宏志二人之罪  
雖均然宏志之死封枝殺之故綱目書伏誅

至王守澄則陰造訛通之而又加  
贈其官故綱目書殺今依綱目

訓注為上謀誅守澄先授守澄神策觀軍容使尊以  
虛名實奪之權至是遣中使就第賜酖殺之訓注本  
因守澄以進卒謀而殺之人皆快守澄之受佞而疾  
訓注之陰狡于是元和之逆黨畧盡矣

加裴度兼中書令

李訓所獎振率皆狂險之士然亦時取天下重望以  
順人心如裴度令狐楚鄭覃皆累朝耆俊久在散地  
訓皆引居崇秩由是士大夫亦有望其真能致太平

自古宦官之禍  
至甘露之變而  
極注訓合謀各  
懷私見既挾要  
功之意復無禦  
變之才策室迩  
謀宜其敗耳君  
不察失臣臣不  
密失身猶不足  
為若輩責也

者不惟天子惑之然識者見其橫甚知將敗矣

十一月李訓舒元興鄭注等謀誅宦官不克以鄭覃李  
石同平章事仇士良殺訓註元興及王涯賈餗等

始鄭注與李訓謀至鎮選壯士數百為親兵奏請入  
護王守澄葬仍請令內臣盡集選之因令親兵殺之  
使無遺類約既定訓與其黨謀如此事成則注專有

其功乃以郭行餘

元和進士

鎮邠寧王璠鎮河東使多募

壯士為部曲以羅立言

宣州人

知京兆府事韓約

郎州武陵

人為金吾衛大將軍又與御史中丞李孝本

宗室子謀

并注去之宰相惟舒元輿與其謀他人莫知也及是日上御紫宸殿百官班定韓約奏左金吾聽事後石榴夜有甘露因蹈舞再拜宰相亦帥百官稱賀訓元輿勸上往觀以承天貺上許之先命宰相視之訓還奏非真未可宣布上顧仇士良帥諸官者往視之官者既去訓召行餘璠受敕璠股栗不敢前獨行餘拜殿下時二人部曲數百皆執兵立丹鳳門外訓召之

入士良等至左仗韓約變色流汗士良怪之俄風吹  
幕起執兵者甚衆士良等驚走詣上告變訓呼金吾  
衛士上殿衛乘輿者人賞錢百緡宦官即舉軟輿迎  
上決殿後果愚疾趣北出羅立言帥京兆邏卒三百  
李孝本帥御史臺從人二百皆登殿縱擊宦官死傷  
者十餘人訓知事不濟脫從吏綠衫衣之走馬而出  
王涯賈餗舒元興還中書士良等知上豫其謀怨憤  
出不遜語上慙懼不復言士良等命左右神策兵五

百人露刃出討賊殺金吾吏卒六百餘人諸司吏卒及民酷販在中者皆死又千餘人擒舒元興王涯王璠羅立言等皆繫兩軍涯年七十餘不勝苦自誣服與李訓等謀行大逆禁兵及坊市惡少年乘勢剽掠塵埃蔽天明日百官入朝上御紫宸殿問宰相何為不來仇士良曰王涯等謀反繫獄因以涯手狀呈上上召左右僕射令狐楚鄭覃示之悲憤不自勝謂曰是涯手書乎對曰是也命楚覃參決機務使楚覃制



宣告中外楚叙涯等反事浮沉仇士良等不悅由是  
不得為相而以鄭覃李石同平章事擒獲賈餗李孝  
本李訓為人所殺傳其首左右神策出兵以訓首引  
涯璠立言餗元興孝本獻于廟社徇于兩市命百官  
臨視腰斬于獨柳之下親屬皆死孩穉無遺數日之  
間殺死除拜皆決于中尉上不豫知也鄭注將親兵  
至扶風知訓已敗復還鳳翔監軍伏甲斬之滅其家  
僚屬皆死右軍獲韓約斬之士良等進階遷除有差

自是天下事皆決于北司宰相行文書而已

是氣自

盛每延英議事士良等動引訓注折宰相鄭覃李石曰訓注誠為亂首但不知訓注始因何人得進宦者

稍屈縉紳賴之

十二月召六道巡邊使還京師

初王守澄惡宦者田全操等六人李訓鄭注因遣分詣鹽靈等道巡邊詔六道使殺之會訓注敗六道得詔皆廢不行至是召之全操等追忿訓注之謀在道揚言我入城凡儒服者盡殺之乘驛疾馳而入京城

訛言寇至民驚走諸司奔散鄭覃李石在中書覃謂石曰耳目頗異宜出避之石曰宰相位尊望重人心所屬不可輕也今事虛實未可知堅坐鎮之庶幾可定若宰相亦走則中外亂矣且果有禍亂避亦不免覃然之石坐視文案沛然自若至晡乃定

以薛元賞為京兆尹

時禁軍暴橫京兆尹張仲方不敢詰以薛元賞代之元賞嘗詣李石第聞石方坐聽事與一人爭辯甚喧元

元賞擣杖軍將  
頗著風力亦未  
流之錚錚者士  
良雖強橫據理  
直折彼固莫如  
之何因服往見  
人何為哉

賞使覘之云有神策軍將訴事元賞趣入責石曰相  
公紀綱四海不能制一軍將使無禮如此何以鎮服  
四夷即命左右擣出其黨訴于仇士良士良召之元  
賞曰屬有公事行當至矣乃杖殺之而白服以見士  
良曰中尉宰相皆大臣也宰相之人若無禮于中尉  
如之何中尉之人無禮于宰相庸可恕乎中尉與國  
同體為國惜法元賞已囚服而來惟中尉死生之士  
良無可如何乃呼酒與元賞歡飲而罷

丙辰開成元年春二月加劉從諫檢校司徒

昭義節度使劉從諫上表請王涯等罪名且言涯等

荷國榮寵安肯構逆訓等實欲討除內臣兩中尉

仇士

良魚宏志

遂誣以反逆若其實有異圖亦當委之有司正

其刑典豈有內臣擅領甲兵恣行剽劫延及士庶橫被  
殺傷臣欲身詣闕庭面陳臧否恐并陷拏戮事亦無  
成謹當修飭封疆訓練士卒如姦臣難制誓以死清  
君側仇士良等懼乃加從諫檢校司徒從諫復表讓

曰臣之所陳繫國大體可聽則涯等宜蒙湔洗不可聽則賞典不可妄加安有死寃不申而生者荷祿因暴揚士良等罪惡士良等憚之由是鄭覃李石粗能秉政天子倚之亦差以自彊

三月詔京兆收葬王涯等

令狐楚從容奏王涯等身死族滅遺骸棄捐請收瘞之上慘然久之命京兆收葬涯等十一人仇士良潛使人發之棄骨渭水

夏四月以李固言同平章事

固言薦崔球

李宗閔之黨

為起居舍人鄭覃以為不可上

曰公事莫相違覃曰若宰相盡同則事必有欺陛下

者矣

上與宰相語患四方表奏華而不典李石對曰古人因事為文今人以文害事上又嘗與宰相

論詩覃曰詩之工者無若三百篇皆國人所作之以刺美時政王者采之以觀風俗耳不聞王者為詩也陳後主隋煬帝皆工于詩不免亡國陛下何取焉覃為于經術上甚重之

秋七月以魏謩

字申之徵五世孫

為補闕

李孝本二女配没右軍上取之入宮拾遺魏謩上疏

曰竊聞數月以來教坊選試以百數莊宅收市猶未  
已又召李孝本女不避宗姓大興物論臣竊惜之上  
即出之擢暮為補闕謂曰朕選市女子以賜諸王耳  
憐孝本女孤露故收養宮中暮于疑似之間皆能盡  
言可謂愛我不忝厥祖矣命中書優為制辭以賞之

後暮

為起居舍人上就取記注觀之暮不可曰記注兼書  
善惡所以儆戒人君陛下但力為善不必觀史上曰  
朕歸當觀之對曰此卿日史官之罪也若陛下自觀  
史則史官必有所諱避何以取信于後上乃止又嘗  
命暮獻其祖父貞公笏鄭韋曰在人不在笏上曰亦甘棠之化也



丁巳二年春三月彗星見

彗星出于張長八丈餘詔撤樂減膳以一日之膳分充十日

夏四月以柳公權為諫議大夫

公權以敢言著聞文宗亦嘉其風采然彼時官寺美權朝臣植黨未聞有所糾彈則亦杜欽谷永之流耳區區不說於衣托詞

上對中書舍人柳公權等于便殿上舉衫袖示之曰此衣已三澣矣時衆皆美上之儉德公權獨無言上問其故對曰陛下貴為天子富有四海當進賢退不肖納諫諍明賞罰乃可以致雍熙服澣濯之衣乃末

筆錄亦所云末節而已

節耳上曰中書舍人不應復為諫議以卿有諍臣風采須屈卿為之故有是命

以陳夷行

字周道其先江左諸陳世家潁川

同平章事

夷行性介直同位多相牴牾獨與鄭覃善每議政事

嘗助之

是冬李固言罷為西川節度使

冬十月國子監石經成

在今西安府學內

初鄭覃奏經籍訛繆請令儒臣校正準後漢熹平故

事

蔡邕書石經事見前

勒石太學從之既而覃以宰相判國子

監奏以起居郎周墀

字德升汝南人

等勘定文字旋令上石

至是始成

考舊唐書鄭覃所立石經官校字體有乖師法立後數十年名儒皆不窺之即今西

安府學石經是也天祐中韓建改築長安新城石皆委棄城外宋元祐中呂大防始移今學年歲久遠剝泐殘闕後人別為摹補刻立小石于碑旁開成舊本所存什之五六而已

戊午三年春正月以楊嗣復

字繼之於陵子

李珣同平章事李石

罷為荆南節度使

上自甘露之變意忽忽不樂或徘徊眺望或獨語歎息嘗為宰相曰朕每讀書恥為凡主然與卿等論天

前盜殺武元衡  
以許孟容一言  
尚令窮捕該則  
累擊相臣直同  
兒戲且彼謀自  
強藩此則露由  
奄豎每況愈下  
國事尚可問乎

下事有勢未得行者退但飲醇酒求醉耳時宦官恣  
橫李石忘身徇國故網紀粗立仇士良深惡之潛遣  
盜殺之不果石入朝盜射之微傷馬驚馳歸又有盜  
邀擊于坊門斷其馬尾僅而得免上大  
驚驚指中外捕盜石懼辭位上深知其故而無如之何  
甚急竟無所獲

從之

以李宗閔為杭州刺史

楊嗣復欲援進宗閔恐為鄭覃所沮乃先令宦官諷  
上上以語宰相覃果對曰陛下若憐宗閔只可量移

若欲用之臣請避位陳夷行亦曰宗閔織人鄉以朋黨亂政陛下奈何愛之楊嗣復曰事貴得中韋等因與嗣復互相詆訐上曰與一州無傷韋等退上謂魏謩曰宰相諠爭如此可乎對曰誠為不可然韋等盡忠憤激不自覺耳

李固言素與嗣復珏善固言既罷引二人居大政以排鄭韋陳夷行

每議政之際是非蜂起上不能決也

夏五月禁諸道言祥瑞

太和之末杜悰鎮鳳翔時有詔沙汰僧尼會有五色

雲見于岐山近法門寺民間訛言佛骨降祥以僧尼不安之故監軍欲奏之惊曰雲物變色何常之有未幾獲白兔監軍又欲奏之惊曰野獸未馴且宜蓄之旬日而斃監軍不悅畫圖獻之已鄭注代惊奏紫雲見又獻白雉是歲遂有甘露之變及惊判度支河中奏駟虞見百官稱賀上謂惊曰李訓鄭注皆因瑞以售其亂乃知瑞物非國之慶卿在鳳翔不奏白兔真先覺也對曰昔河出圖伏羲以畫八卦洛出書大禹

以叙九疇皆有益于人故足尚也至于禽獸草木之  
瑞何時無之劉聰徂逆黃龍三見季龍暴虐得蒼麟  
白鹿以駕紫蓋以是觀之瑞豈在德願陛下專以百  
姓富安為國慶自餘不足取也上善其言遂詔諸道  
皆勿以祥瑞聞

秋八月詔神策將吏改官皆先奏聞

開成以來神策將吏遷官多不奏聞直牒中書令覆  
奏施行遷改殆無虛日至是始詔皆先奏聞狀至中

書然後檢勘施行

冬十月太子永卒

初太子永之母王德妃無寵為楊賢妃所譖而死太子頗好遊宴昵近小人賢妃日夜毀之上召宰相及兩省御史郎官議廢之皆言太子年少容有改過國本至重豈可輕動中丞狄兼謩論之尤切至于流涕給事中韋溫曰陛下惟一子不教陷之至是豈獨太子之過乎翰林及神策六軍使數十人復表論之上



意稍解宦官宮人坐流死者數十人至是暴薨

通鑑考異

曰太子永非良死也但宮省事秘外人莫知其詳故第云暴薨

吐蕃彝泰贊普死弟達磨立

彝泰多病委政大臣僅能自守故不為邊患達磨荒淫殘虐國人不附災異相繼吐蕃益衰

已未四年春三月司徒中書令晉公裴度卒

諡曰文忠

度鎮河東以疾求歸東都詔入知政事正月至京師不能入見勞賜旁午至是卒上怪度無遺表問其家

得半策以儲嗣未定為憂言不及私度身貌不踰中人而威望遠達四夷四夷見唐使輒問度老少用捨以身繫國輕重如郭子儀者二十餘年

夏五月鄭軍陳夷行並罷

太和政事已成  
尾大不掉夷行  
所陳深中時與  
羣臣等不知以  
國事為重而各  
匿私心言言傾  
軋朝廷不綱正  
坐此輩庸臣所

上與宰相論政事陳夷行言不宜使威權在下李珣曰夷行意疑宰相中有弄陛下威權者耳臣屢求退苟得王傳臣之幸也鄭軍曰陛下開成元年二年政事殊美三年四年殆不如前楊嗣復曰元年二年軍

誤嗣復之因勢  
中傷尤為奸險  
太宗毫不知各  
此殊甚矣

夷行用事三年四年臣與李珣同之罪皆在臣因叩  
頭曰臣不敢更入中書遂趨出上召還勞之覃起謝  
曰此乃嗣復不容臣耳嗣復曰覃言政事一年不如  
一年非獨臣應得罪亦上累聖德退三表辭位上召  
出之而罷覃及夷行覃性清儉夷行亦耿介故嗣復  
等深疾之

秋七月以崔鄆

即之弟

同平章事

鄭覃陳夷行既罷鄆以太常卿入相

冬十月立陳王成美為皇太子

楊妃請立皇弟安王溶

穆宗第八子

為嗣上謀于宰相李

珣非之乃立敬宗少子成美為皇太子

上幸會寧殿有童子緣墻

一大往來走其下如狂上怪之左右曰其父也上注然流涕曰朕貴為天子不能全一子召教坊劉楚材宮人張十十等數人責之曰攝害太子皆爾曹也付吏殺之因是感傷舊疾遂增十一月疾少間坐思政殿召當直學士周墀問曰朕可方前代何主對曰陛下堯舜之主也上曰朕豈敢比堯舜所以問卿者何如周報漢獻耳墀驚曰彼亡國之主豈可比聖德上曰報獻受制于疆諸侯今朕受制于家奴以此言之殆不如也因泣下沾襟墀伏地流涕自是不復視朝

回鶻相拙羅勿弒彰信可汗

拙羅勿引沙陀兵共攻可汗可汗自殺國人立廬駟  
特勒為可汗會歲疫大雪羊馬多死回鶻遂衰

庚申五年春正月帝不豫宦官仇士良魚弘志矯詔立頽

王灋

穆宗第五子

為皇太弟廢太子成美為陳王帝崩灋殺

成美遂即位

是為武宗考太弟之立仇士良魚弘志所為也綱目于提綱不書士良等矯詔而

分注載之綱與目義例不

符今依唐書帝紀改書

上疾甚命知樞密劉宏逸薛季稜引楊嗣復李珣至

武宗非當立且甫立即殺洛及成美雖士良等欲以此為功而武宗之殘忍亦甚卒之身國不長其子亦不得立可以觀天

禁中欲奉太子監國中尉仇士良魚宏志以太子之立功不在己乃言太子幼且有疾矯詔立瀝為太弟成美復封陳王越二日上崩士良說太弟賜楊賢妃

安王溶陳王成美死太弟遂即位

時敕大行以十四日殯成服諫議大

夫裴夷直上言期日太遠不聽士良等追怨文宗凡樂工及內侍得幸者誅貶相繼夷直復上言陛下繼統宜速行喪禮早議大政以慰天下而未及數日屢誅戮先帝近臣驚率土之視聽傷先帝之神靈國體至重若使此輩無罪固不可刑若其有罪旬日何晚又不聽裴夷直字禮卿河東人

秋八月葬章陵

在西安府富平縣西北天乳山

史臣曰文宗恭儉儒雅太和之初政事修飭號為清明然仁而少斷宦官撓權制之不得其術故其終困以此云

### 九月以李德裕同平章事

初上之立非宰相意于是楊嗣復李珣相繼罷去

五月

嗣復罷以崔珙同平章事八月李珣亦罷

崔珙博陵人

召德裕而相之

德裕入謝言于

上曰致理之要在乎辨羣臣之邪正夫邪正二者勢不相容正人指邪人為邪邪人亦指正人為邪人主辨之甚難臣以為正人如松柏特立不倚邪人如藤蘿非附他物不能自起故正人一心事君而邪人競為朋黨先帝深知朋黨之患然所用卒皆朋黨之人良由執心不定故姦邪得乘間而入也夫宰相不能

人人忠良或為欺罔主心始疑于是旁詢小人以察執政如德宗末年所聽任者惟裴延齡輩宰相署敕而已此政事所以日亂也陛下誠能慎擇賢良以為宰相有姦罔者立黜去之常令政事皆出中書推心委任堅定不移則天下何憂不理哉又曰先帝于大臣好為形迹小過皆含容不言日累月積以至禍亂茲事大誤願陛下以為戒臣等有罪陛下當面詰之小過則容其改改大罪則加之誅黜如此君臣之際無疑間矣

上嘉納之

冬十月黠戛斯

注見前

攻回鶻破之回鶻嗾沒斯欵塞求

內附

黠戛斯部落即古堅昆唐初結骨也

注俱見前

乾元中為



回鶻所破不通中國其人悍勇吐蕃回鶻常賂遺之  
假以官號回鶻既衰其酋長阿熱始自稱可汗回鶻  
擊之連兵三十餘年反為所敗廬駁破殺諸部逃散  
可汗兄弟溫沒斯等及其相赤心那頡啜各帥其衆  
抵天德塞下貿穀食且求內附天德軍使溫德彝奏  
回鶻潰兵侵逼西城詔振武節度使劉沔

字汪彭  
城人屯

雲迦闕

唐書地理志單于府有雲  
迦闕單于府今歸化城是

以備之

魏博節度使何進滔卒子重順知留後

重順尋為節度  
使賜名宏敬

中官蔭子至明  
季而弊極其貴  
已濫觴於此中  
敏一判不煩言  
而切中竅要端  
監衙恨有志者  
方當力為主持  
德裕徒以門戶  
之見輒加貶謫  
不顧是非不循  
法度惟報復私  
嫌是務可鄙甚  
矣

十一月以李中敏為婺州刺史

內謁者監仇士良請以開府蔭其子為千牛給事中  
李中敏判云開府階誠宜蔭子謁者監何由有兒士  
良慙恚李德裕亦以中敏為楊嗣復之黨惡之出為  
刺史

武宗皇帝

辛酉會昌元年春三月殺知樞密劉宏逸薛季稜貶楊嗣  
復李珣遠州刺史裴夷直驩州司馬

明罰飭法惟當論其罪之當否罪不當雖小豈宜輕濫罪誠當雖大安得姑容嗣復及珏如果詭謀廢立實為法所不容特以言出士良讒構其情尚近曖昧耳杜悰年少新立不宜手滑云

劉宏逸薛季稜有寵于文宗仇士良惡之上之立非

二人及宰相意故楊嗣復李珏既罷士良屢勸上除

宏逸等于是賜二人死仍遣中使就誅嗣復及珏杜

悰奔馬見李德裕曰天子年少新即位茲事不宜手

滑時陳夷行方復相

是月夷行以御史大夫同平章事

德裕乃與夷

行及崔珙崔鄯三上奏請開延英賜對遂入泣涕極

言上命之坐者三德裕等曰臣等願陛下免嗣復珏

二人死勿使既死而衆以為冤今未奉聖旨臣等不

云所謂似是而非  
果爾則年既  
長立既久遂可  
不愚明慎乎見  
聞錄載宋范仲  
淹於光化知軍  
遇賊棄城事欲  
為曲貸其死所  
傳九為悖理向  
已深斥其說而  
其手滑二字實  
即原本於此事  
不同而義則一  
因并着之

敢坐久之上乃曰特為卿等釋之德裕等躍下皆舞  
蹈上召升坐歎曰朕嗣位之際宰相何嘗比數李珣  
季稜志在陳王嗣復弘逸志在安王陳王猶是文宗  
遺意安王專附楊妃鄙使安王得志朕那復有今日  
德裕等曰茲事曖昧虛實難知遂追還二使更貶嗣  
復等

夏六月詔羣臣言事毋得乞留中

詔臣下言人罪惡並應請付御史臺按問毋得乞留

中以杜讒邪

其後上復謂宰相曰文宗好聽外議諫官言事多不著名有如匿名書李德裕

曰臣頃在中書文宗猶不爾此乃李訓耶注教文宗以術御下遂成此風人主但當推誠任人有欺罔者

咸以明刑孰敢上善之

上受法錄于趙歸真

拾遺王哲切諫坐貶

秋九月詔河東振武備回鶻

先是回鶻諸部奉烏介特勒為可汗及是天德軍使

田牟

布之弟

欲擊回鶻以求功奏稱回鶻叛將唃沒斯

等侵逼塞下請自出兵驅逐上命朝臣議之議者以  
為擊之便李德裕曰窮鳥入懷猶當活之況回鶻屢  
建大功今為鄰國所破遠依天子未嘗犯塞奈何乘  
其困而擊之宜遣使者鎮撫賜以糧食此漢宣帝所  
以服呼韓邪也上問德裕盟没斯降可保信乎對曰  
朝中之人臣不敢保況敢保數千里外戎狄之心乎  
然盟没斯自去年九月至天德今年二月為介始立  
自無君臣之分豈可謂之叛將願且詔河東振武嚴

兵保境以備之仍詔田牟毋得邀功生事從之

已而

斯誘殺赤心擊走耶頡頤率所部來降詔以溫沒斯為懷化郡王賜姓李氏名思忠以其所部為歸義軍

赤心耶頡

頤俱見上

盧龍軍亂冬十月雄武軍使張仲武

范陽人

討平之詔以

仲武知留後

初盧龍軍亂殺節度使史元忠推牙將陳行泰主留

務表求節鉞李德裕曰河朔事勢臣所熟諳比來朝

廷遣使太速故軍情遂固若置之數月不問必自生

變今請勿遣使以觀之既而軍中果殺行泰立張絳復求節鉞朝廷亦不問雄武軍使張仲武起兵擊絳

且遣軍吏吳仲舒奏表以聞

詔宰相問狀仲舒言行泰絳皆遊客故人心不

附仲武幽州舊將性忠義通書習事人心向之計今軍中已逐絳矣李德裕問雄武士卒幾何對曰軍士土團合千餘人德裕曰兵少何以立功對曰在得人  
心不在兵多德裕又問萬一不克如何對曰幽州糧食皆在楊州及北邊七鎮萬一不能入則據居庸關絕其糧道幽州自困矣七鎮唐書地理志檀州有大王北來保要處固赤城遼虜石子畝七鎮居庸關亦曰軍都關在今順天府昌平州西北即呂氏春秋九塞之一  
于是李德裕奏行泰絳皆使大將上表脇朝廷



邀節鉞故不可與今仲武表請討亂與之有名乃以

仲武知盧龍留後仲武尋克幽州

已而以仲武為盧龍節度使

十二月遣使慰問太和公主

公主下嫁回鶻事具前

回鶻烏介可

汗

先是黠戛斯自謂李陵之後與唐同姓既破回鶻得

太和公主遣達干十人奉以歸唐時朝廷未之知李

德裕請遣使齎詔詣盟沒斯訪問公主所在從之及

是回鶻烏介可汗引兵邀擊黠戛斯達干殺之劫公

主南渡磧屯天德軍境上公主遣使上表為可汗求冊命烏介又使其相上表借振武一城以居上乃遣

使慰問賑米二萬斛

上賜烏介可汗敕書喻以宜率部衆漸復舊疆漂寓塞垣殊非

策計借城未有此比或欲但求聲援亦須且于漠南駐止朕當許公主入覲親問事宜倘須接應必無所吝尋遣使行冊命而烏介屢擾邊境遂不果行

壬戌二年春二月以李紳同平章事

先是崔郾罷為西川節度使及是紳由淮南入朝遂

相

以柳公權為太子詹事

散騎常侍柳公權素與李德裕善崔珙奏為集賢學士德裕以恩非已出因事左遷之

三月以劉沔為河東節度使

初上以回鶻近塞遣兵部侍郎李拭

廊之子

巡邊察將

帥能否拭還稱沔有威畧可任大事遂以沔鎮河東  
夏四月羣臣上尊號

上信任李德裕仇士良惡之會上受尊號將御樓宣

敕士良揚言于衆曰宰相與度支議減禁軍衣糧芻粟如此則軍士必于樓前誼譁德裕聞之自訴于上上怒遽遣中使宣諭兩軍初無此事且赦出朕意非由宰相士良乃惶愧稱謝

秋七月以李讓夷

字達心隴西人

同平章事

陳夷行罷遂以讓夷同平章事

八月回鶻入寇詔諸道出兵禦之

先是屢詔烏介可汗帥衆北還烏介不奉詔至是突

入大同川

注見前

驅掠河東雜虜牛馬數萬轉鬪至雲

州

唐置今山西大同府是

詔諸州發兵俟來春討之

九月以白敏中

字用晦居易從弟

為翰林學士

上聞白居易名欲相之以問李德裕德裕素惡居易乃言居易病衰不任朝謁其從弟敏中辭學不減居易且有器識故有是命

冬十一月以高少逸

渤海人

為給事中鄭朗

字有融軍之弟

為諫

議大夫

初上頗好畋獵及武戲五坊小兒賞賜甚厚嘗謁太  
后從容問為天子之道太后勸以納諫上退閱諫疏  
多以遊獵為言自是出畋稍希五坊無復橫賜至是  
復幸涇陽校獵諫官高少逸鄭朗諫曰陛下比來遊  
畋稍頻出城太遠侵星夜歸萬幾曠廢上改容謝之  
謂宰相曰本置諫官使之論事朕欲時時聞之宰相  
皆賀乃遞遷以賞之

吐蕃達磨贊普死

初達磨普贊有佞幸之臣

史闕其名

以為相達磨卒無子

佞相立其妃絀氏兄子乞離胡纔三歲首相結都邪  
見之不拜曰贊普宗族甚多而立絀氏子國人誰服  
其令鬼神誰饗其祀國必亡矣因拔刀斲面慟哭而  
出佞相殺之國人憤怒其將論恐熱悍忍多詐以誅  
絀妃佞相為名舉兵大破其國兵有衆十餘萬

癸亥

三年春正月劉沔大破回鶻迎太和公主以歸

回鶻烏介可汗侵逼振武劉沔遣石雄

徐州人

帥沙陀

朱邪赤心

執宜子後賜姓  
名曰李國昌

三部襲其牙帳汚自以大

軍繼之雄至振武登城望回鶻見羣車數十乘從者

類華人使謀問之曰公主帳也雄使謀告之曰公主

至此當求歸路今將出兵擊可汗請公主駐車勿動

雄乃鑿城為十餘穴引兵夜出真攻可汗牙帳可汗

大驚棄輜重走雄追擊大破之于殺虎山

即黑山在  
今歸化城

界可汗被創遁去保黑車子族

室韋別種在突厥北  
善作車帳故以為號

雄迎公主以歸

已而公主至京師詔宰相百官迎謁  
公主詣光順門去盛服脫簪珥朝和



親無狀之罪上達中  
使慰諭然後入宮

二月庚申朔日食

三月以太僕卿趙蕃為安撫點戛斯使

先是點戛斯遣使獻名馬二詔太僕卿趙蕃飲勞之

上欲令蕃就求安西北庭李德裕等言安西去京師  
七千餘里北庭五千餘里借使得之當復置都護戍  
兵萬人不知此兵于何處追發饋運從何道  
得通此乃用實費以易虛名非計也上乃止  
點戛斯

求冊命上恐其不修臣禮復求歲遺及賣馬李德裕  
曰回鶻有平安史之功故有歲賜和市點戛斯未嘗

人君居中馭外  
尊卑之分本自  
秩然而原遠大  
經惟在德懷威  
繫徒欲以文字  
爭衡抑亦末矣  
況遠尋苗裔傳  
會支離尤失教  
命之體且即所  
稱北平太守亦  
有何足貴德裕  
頗擅文辭且自  
謂能使異域奉  
約執禮而立言

有功於中國豈敢遽及賂遺若慮其不臣當與之約

必稱臣叙同姓執子孫禮乃行冊命上以為然乃以

趙蕃為安撫使命德裕草書賜之曰貞觀中黠戛斯

先君身自入朝朝貢不絕回鶻陵虐諸蕃可汗能復

讐雪怨茂功壯節近古無儔今其殘兵不滿千人須

盡殲夷勿留餘燼又聞可汗與我同族國家承北平

太守謂李廣之後可汗乃都尉謂李陵苗裔以此合族尊

卑可知今欲冊命可汗且遣趙蕃喻意自回鶻至塞上及黠戛斯

謬誕若此豈非  
千古笑資

人貢每有詔敕上多命德裕草之德裕請委翰林上曰學士不能盡人意須卿自為之

### 贈悉怛謀右衛將軍

李德裕追論維州悉怛謀事

上言維州據高山絕頂三面臨江在戎虜平川

之衝是漢地入兵之路初河隴盡沒惟此獨存吐蕃潛以婦人嫁此州門者三十年後兩男長成竊開壘門引兵夜入遂為所陷號曰無憂城從此憑陵近甸旣食果朝臣到西蜀外揚國威中緝違備維州熟臣信令空壁來歸南壘震懾山西八國皆願內屬可滅八處鎮兵坐收千餘里舊地且維州未降前一年吐蕃猶圍魯州豈願盟約當時不與臣者望風疾臣詔執送悉怛謀等今彼自戮臣累表陳論答詔嚴切竟令執還蕃帥即以此降人戮于境上絕忠款之路快允虐之情乞追獎忠魂各加褒贈

魯州河曲六胡

州之一在  
有州西

故有是命

夏四月李德裕乞罷不許

德裕乞開局上曰卿每辭位使我旬日不得所今大事皆未就卿豈可求去

昭義節度使劉從諫卒其子稹自為留後詔諸道發兵討之

初從諫累表言仇士良罪惡遂與朝廷相猜恨及疾病與幕客張谷等謀效河北諸鎮以弟之子稹為都

知兵馬使至是卒稹秘不發喪逼監軍崔士康奏稱  
從諫疾病請命其子稹為留後上謀于宰相多以為  
回鶻餘燼未滅復討澤潞國力不支李德裕獨曰澤  
潞事與河朔三鎮不同河朔習亂已久人心難化是  
故累朝以來置之度外澤潞近處腹心一軍素稱忠  
義如李抱真成立此軍德宗猶不許承襲敬宗不恤  
國務宰相又無遠略劉悟之死因授從諫使其跋扈  
垂死之際復以兵權擅付豎子若又因而授之則諸

鎮誰不思效其所為天子威令不復行矣上曰卿以何術制之果可克否對曰稹所恃者三鎮但得鎮魏不與之同則稹無能為也若遣重臣往諭王元逵何宏敬以河朔傳襲已成故事與澤潞不同今將加兵澤潞不欲更出禁軍其山東三州

謂邢洛磁

委兩鎮攻之

賊平之日將士並厚加官賞苟兩鎮聽命不從旁沮撓官軍則稹必成禽矣上喜曰吾與德裕同之保無後悔遂決意討稹命德裕草詔賜元逵宏敬

略曰澤潞一鎮與卿事體

不同勿為子孫之謀欲存輔車之勢但能顯立功效  
自然福及後昆上稱其語切要曰當如此直告之也  
又賜張仲武詔令專禦回鶻元達宏敬得詔悚息聽  
命先是崔士康表至上遣供奉官薛士幹往諭從諫  
使就東都療疾遣積入朝士幹入境不問從諫之疾  
直為已知其死者都押牙郭誼

兗州人

等大出兵迎之

請用河朔事體遂扶積出見將士發喪不受敕命

裕德

又以議者多言劉悟有功積未可誅請下百官議  
上曰悟迫于敕死耳非素心徇國也籍使有功父子  
為將相二十餘年國家報之足矣積何得復自立朕  
以為凡有功當顯貴有罪亦不可苟免也於是

冊命速則軍情  
固征討遲則軍  
備修武宗於盧  
龍之遣使則遲  
之澤潞之用兵  
則速之舉措一  
中窺會而功即  
成可以見審與  
慎動之要

制削奪從諫及稹官爵以王元逵何宏敬為招討使

與河東節度使劉沔河陽節度使王茂元子栖曜合力

攻討先是河北諸鎮有自立者朝廷必先有弔祭使冊贈使宣慰使繼往商度然後用兵故常及半

歲軍中得以為備至是宰相亦欲遣使上即下詔討之元逵受詔即日出師屯趙州詔又以李彥佐為晉

絳行營  
招討使

五月以崔鉉字台碩元畧子同平章事

上夜召學士韋琮字禮玉萬年人以鉉名授之令草制宰相

樞密皆不之知時樞密使劉行深楊欽義皆愿慙不



士良數語足盡  
自古刑餘盛感  
使倘然前此丈  
宗甘心受制莫  
可如何至武宗  
雖外亦尊寵而  
不得不自乞罷  
退益信靖亂之  
本惟在馭以英  
斷而權不下移

敢預事老宦者尤之曰皆由楊劉懦怯墮敗舊風故也

築望仙觀於禁中

六月內侍監仇士良致仕

上外尊寵士良內實忌之士良頗覺遂以老病致仕  
其黨送歸私第士良教之曰天子不可令閑常宜以  
奢靡娛其耳目使日新月盛無暇更及他事然後吾  
輩可以得志慎勿使之讀書親近儒生彼見前代興

更無餘事也

亡心知憂懼則吾輩踈斥矣其黨拜謝而去

吐蕃論恐熱攻尚婢婢

姓沒盧名贊心牙羊同國人

于鄯州

本唐地沒于吐

蕃

吐蕃鄯州節度使尚婢婢好讀書不樂仕進國人敬之年四十餘彝泰贊普彊起之使鎮鄯州婢婢寬厚沈勇有謀畧論恐熱謀纂國恐婢婢襲其後舉兵擊之婢婢謂其下曰恐熱之來以我為不足屠也不如迎伏以驕之然後可圖也乃遣使犒師且致書深自

卑屈恐熱喜曰婢婢惟把書卷不知用兵待吾得國當位以宰相坐之于家無所用也乃引兵歸婢婢笑

曰我國無主則歸大唐豈能事此犬鼠乎

已而婢婢擊恐熱大

破之恐熱單騎走歸尋復擊婢婢又大敗于是婢婢傳檄河湟曰汝輩本唐人吐蕃無主則相與歸唐無為恐熱所獲也

秋七月以盧鈞為昭義節度使

朝廷以鈞在襄陽有惠政得衆心故使領昭義以招懷之

遣御史中丞李回

字昭度新興王  
德良六世孫

宣慰河北三鎮

詔遣御史中丞李回宣慰河北令幽州早平回鵲鎮  
魏早平澤潞回至河朔宏敬元達仲武皆具橐鞬郊  
迎立于道左不敢令人控馬讓制使先行自兵興以  
來未之有也回明辯有膽氣三鎮無不奉詔

以石雄為晉絳行營節度副使

李德裕言曷日河朔用兵諸道利于出境仰給度支  
或陰與賊通借一縣一柵據之自以為功坐食轉輸

延引歲時今請詔諸軍令王元逵取邢州何弘敬取

洺州王茂元取澤州李彥佐劉沔取潞州毋得取縣

上從之彥佐行甚緩德裕請賜詔切責仍以石雄為

副因以代之

已而雄代彥佐為節度使受代之明日即踰烏嶺破五寨上得捷書喜甚謂宰

相曰雄真良將德裕因言比年潞州市有男子磨折唱曰石雄七千人至矣劉從諫以為妖言斬之破潞

州者必雄也詔賜雄帛雄悉置軍門自取一匹餘分將士故士卒樂為致死烏嶺山名在平陽府翼城

縣東北與澤州

府沁水縣接界

八月詔忠武節度使王宰

智興子

趨磁州何宏敬拔肥鄉

三國魏縣今屬廣平府

平恩

漢縣故城在今廣平府曲周縣

先是王元逵擊敗昭義兵拔宣務柵

在今順德府唐山縣東北以宣

務山名

詔加元逵同平章事及是元逵前鋒入邢州境

已踰月何宏敬猶未出師元逵密表宏敬懷兩端李

德裕言忠武累戰有功軍聲頗振王宰年力方壯謀

畧可稱請詔宰將忠武全軍徑魏博抵磁州以分賊

勢宏敬必懼此攻心伐謀之術也從之宏敬聞宰將

至蒼黃出師拔肥鄉平恩殺賊甚衆上曰宏敬已拔

兩縣可釋前疑既有殺傷雖欲持兩端不可得矣

九月以王宰兼河陽行營攻討使

時劉稹使牙將薛茂卿攻陷河陽科斗寨會河陽節度使王茂元有疾李德裕請以王宰為河陽行營攻討使使亟以軍援河陽兼可臨制魏博從之茂元尋卒

宰遂進克天井關

忠孝軍素號精勇王宰治軍嚴整賊甚憚之薛茂卿以科斗寨之功劉稹

不加重賞怨之密進款于宰宰引兵攻天井關茂卿小戰遽走遂克之茂卿入澤州遣謀知宰許為內應事覺為稹所蔽  
冬十月以劉沔為義成節度使李石為河東節度使

汚與張仲武有隙

汚破回鶻獨迎太和公  
主以歸故仲武疾之

朝廷恐其以私

憾敗公故徙之

甲子四年春正月河東都將楊弁作亂討平之

初河東行營兵馬使王逢沛之

秦乞益榆社  
隋縣今屬山西遼州

詔河東以兵二千赴之時河東無兵李石召橫水戍

在大

同府西北卒千五百人使楊弁將之詣逢舊制軍士出征人

給絹二匹劉汚之去

自河東徙義成

竭府庫以自隨石初

至時軍用乏以已絹益之人纔得一匹時已歲盡



軍士求過正旦而行監軍呂義忠趨之弁遂作亂  
石奔汾州弁據軍府使其侄詣劉稹約為兄弟朝議  
喧然言兩地皆應罷兵李德裕上言太原人心從來  
忠順止是貧虛賞犒不足況千五百人何能為必不  
可縱且用兵未罷深慮所在動心望詔李石還赴太  
原召兵討亂上從之詔王逢留太原兵守榆社以易  
定汴兗兵還討弁

又連中使馬元實至太原曉諭且  
覘之元實受弁賂還于衆中大言

相公須早與之節德裕曰何故元實曰身牙門至柳  
子列十五里戕地光明甲若之何取之德裕曰李相

正以無兵故發橫水兵赴榆社并何能遽至如此  
之衆乎元實曰召募所致耳德裕曰召募須有貨  
財李相止以欠軍士絹一匹故致此亂并何從得  
之元實辭屈德裕曰縱其有十五里光明甲必須  
殺此賊柳子即柳林

在太原府太原縣東南

河東兵戍榆社者聞朝廷

令客軍取太原恐妻孥為所屠滅乃擁監軍呂義  
忠自取太原擒楊弁盡誅亂卒送弁京都并其黨  
斬之

三月甲寅朔日食

以劉沔為河陽節度使

李德裕言于上曰事固有激發而成功者陛下命王  
宰超磁州而何弘敬出師遣客軍討太原而戍卒先  
取楊弁令王宰久不進軍請徙劉沔鎮河陽仍令以  
義成精兵二兵直抵萬善鎮名在懷慶府河內縣北處宰肘腋之  
下若宰識此意必不敢淹留若宰進兵沔以重兵在  
南聲勢亦壯上從之

以劉濛

字仁澤  
晏之孫

為巡邊使

朝廷以回鶻衰微吐蕃內亂議復河湟四鎮

即西安  
四鎮見

前十八州

謂太原河渭蘭鄆陪成沁岷  
臨廊墨宕甘涼瓜沙十八州

乃遣給事中

劉濛巡邊使先備器械糗糧令天德振武河東訓卒

礪兵以俟今秋

以趙歸真為道門教授先生

上好神仙歸真得幸李德裕諫曰歸真敬宗朝罪人

不宜親近上曰朕宮中無事時與之談道滌煩耳至

于政事朕必問卿等與次對官雖百歸真不能惑也

德裕曰小人見勢所在則奔趣之旬日以來歸真之

歸真之不宜親  
近德裕對切言  
之乃武宗溺而  
不悟自謂不為  
所惑夫誠道滌  
煩以進純業萬

興之義未興而  
學士除拜寵待  
過優馴至觥餚  
金母詭稱換骨  
狎道流之害  
更不止妨及政  
事已也

門車馬輻輳願陛下深戒之

夏六月減州縣冗員

李德裕以州縣佐官太冗奏令吏部郎中柳仲郢

字諭

蒙公裁減凡一千二百一十四員

詔削仇士良官爵籍沒家貲

宦官有發士良宿惡于其家得兵仗數千故有是命

秋七月以杜悰同平章事

上聞揚州倡女善為酒令敕監軍選而獻之監軍請

節度使杜悰不從監軍怒表其狀左右因請敕悰同  
選上曰敕藩方選倡女入宮豈聖天子所為杜悰得  
大臣體朕甚愧之遽敕勿選召悰入相勞之曰卿不  
從監軍之言朕知卿致君之心今相卿如得一魏徵

矣

悰既相李紳罷  
為淮南節度使

八月邢洺磁三州降郭誼斬劉稹以降

稹少年懦弱押牙王協兵馬使李士貴用事專聚貨  
財府庫充溢而將士有功無賞由是人心離怨邢州

將裴問請降于王元逵洛州守將王釗磁州守將安  
玉請降于何宏敬李德裕曰昭義根本盡在山東三  
州降則上黨不日有變矣上曰郭誼必梟劉稹以自

贖德裕曰誠如聖料上曰于今所宜先處者何事德

裕曰萬一鎮魏請占三州朝廷難于可否請以給事

中盧宏止

字子強  
蒲州人

為三州留後上從之并詔盧鈞乘

驛赴鎮

鈞先領昭  
義節度

潞人聞三州降大懼郭誼與王協

謀使人說稹以兵授誼東身歸朝稹許之誼遂殺稹

滅其族函首遣使奉表降于王宰宰以狀聞宰相入  
賀上曰郭誼宜如何處之德裕對曰劉稹驍獍子耳  
阻兵拒命皆誼為之謀主及勢孤力屈又責稹以求  
賞此而不誅何以懲惡宜及諸軍在境并誼等誅之  
上曰朕意亦以為然乃詔石雄將七千人入潞州以  
應謠言

事見前

昭義五州給復一年諸道將士等級加

賞雄至潞州盡執誼等送京師皆斬之

盧鈞素寬厚  
受人及是赴

鎮散卒歸之者皆厚撫  
之人情大洽昭義遂安



加李德裕太尉賜爵衛國公

加李德裕太尉衛國公德裕辭上曰恨無官賞卿耳  
初德裕以比年將帥出征屢敗其弊有三一者詔令  
下軍前者日有三四宰相多不預聞二者監軍各以  
意見指揮軍事將帥不得專進退三者每軍各有官  
者為監使悉選軍中驍勇數百為牙隊其在陳戰鬪  
者皆怯弱之士每戰視事勢小却輒引旗先走陳從  
而潰德裕乃與樞密使楊欽義劉行深議約敕監軍

不得預軍政每兵千人聽取十人自衛有功隨例需賞二樞密皆以為然白上行之自禦回鶻至澤潞罷兵皆守此制自非中書所草詔更無他詔自中出者號令既簡將帥得以施其謀畧故所向有功元和後數用兵宰相或不休沐或繼火乃得罷德裕從容裁決率午漏下還第休沐輒如令沛然若無事時

河北三鎮

每遣使者至京師德裕常面諭之曰河北兵力雖彊不能自立須藉朝廷官爵威命以安軍情歸語汝使與其使大將邀敕使以求官爵何如自奮忠義立功立事結知明主乎由是三鎮不敢有異志

冬十一月貶牛僧孺為循州長史流李宗閔于封州

見注

前

李德裕言于上曰劉從諫據上黨十年太和中入朝  
僧孺宗閔執政不留之加宰相縱去以成今日之患  
又使昭義孔目官鄭慶言從諫每得二人書疏皆自  
焚毀河南少尹李述與德裕書言僧孺聞積破失聲

歎恨德裕奏之上大怒貶僧孺等

初甘露之變李訓  
王涯賈餗等子弟

數人皆歸從諫至是皆為郭誼所殺德裕復下  
詔稱逆賊涯誅已就昭義誅其子孫識者非之

五年羣臣上尊號

李德裕等請上尊號上不受凡五上表乃許

義安太后王氏

敬宗母

崩

諡恭僖 葬光陵東園

夏五月以李回同平章事

杜悰崔鉉罷回以戶部侍郎同平章事判戶部如故  
冊黜憂斯為英武誠明可汗

詔以陝號觀察使李拭充冊使

拭未行會帝崩事遂寢大初中復遣使冊

之

秋七月丙午朔日食

詔毀天下佛寺僧尼並勒歸俗

上惡僧尼耗蠹天下欲去之道士趙歸真等復勸之

乃先毀山野招提

有常住之寺

蘭若

釋氏靜室

至是敕上都東

都各留二寺每寺留僧三十人天下節鎮各留一寺

寺分三等留僧有差餘僧及尼並勒歸俗寺皆立期

毀撤仍遣御史分道督之財貨田產並沒入官寺材

以葺公廨驛舍銅像鐘磬以鑄錢凡天下所毀寺四

卷六十一  
千六百餘區招提蘭若四萬餘區歸俗僧尼二十六萬五百人收良田數千萬頃奴婢十五萬人

九月置備邊庫

李德裕請置備邊庫令戶部歲入錢帛十二萬緡匹度支鹽鐵歲入錢帛十三萬緡匹明年減其三分之一凡諸道所運助軍財貨皆入焉以度支郎中判之冬十月以衡山道士劉元靜為崇元館學士

元靜固辭還山許之

十二月貶給事中韋宏質官

劉友益曰不言所貶之官史失之也失之而書病德

也裕

李德裕秉政日久好狗愛憎人多怨之左右言其太專上亦不悅給事中韋宏質上疏言宰相權重不應更領三司錢穀德裕奏曰制置職業人主之柄宏質受人教道所謂賤人圖柄臣非所宜言宏質貶官由是衆怒愈甚

詔罷來年正旦朝會

初上餌方士金丹性加躁急喜怒不常問李德裕以  
外事對曰陛下威斷不測外人頗驚懼天下既平願  
陛下以寬理之使得罪者無怨為善者不驚則天下  
幸甚上自秋來已覺有疾而道士以為換骨至是詔  
罷正旦朝會

丙寅六年春三月帝崩光王忱

本名怡憲宗子帝之叔

即位

是為宣宗綱

目作立光王忱為皇太叔帝崩太叔即位徐昭文考證曰武宗疾篤旬日不言宦官定策禁中立光王忱為皇太叔是忱之立非由武宗乃宦官也且太叔之號于古無之考周懿王崩父共王弟辟方立是為孝王當依此



例據事直書曰帝崩光王忱即位以著藩王入承大統之義而去宦官所定不正之名今從之

上疾久未平以為唐土德不可以王氣勝君名

上名  
溥溥

旁從水土  
所勝也

乃改名炎初憲宗納李錡妾鄭氏生光王

怡幼時宮中皆以為不慧太和之後益自韞匿羣居

遊處未嘗發言文宗好誘其言以為戲笑上性豪邁

尤所不禮及上疾篤旬日不能言諸宦官密于禁中

定策下詔以皇子幼冲立怡為皇太叔更名忱令權

勾當軍國政事太叔見百官哀戚滿容裁決庶務咸

當于理人始知有隱德焉上崩以李德裕攝冢宰太

叔即位德裕奉冊既罷上

宣宗

謂左右曰適近我者

非太尉邪每顧我使我毛髮灑淅

夏四月尊母鄭氏為皇太后

李德裕罷為荆南節度使

德裕秉權日久位重有功衆不謂其遽罷聞之莫不

驚駭

德裕既罷遂以白  
敏中同平章事

趙歸真等伏誅

五月詔上京增置八寺復度僧尼

六月定太廟為九代十一室

復祀代宗以敬文武宗自為一代為九代十一室

既而

禘于太廟禮院奏祝文于穆敬文  
武但稱嗣皇帝臣某昭告從之

秋七月回鶻弑烏介可汗

烏介之衆降散餒死所餘不及三千人其相弑之而

立其弟遏捻

遏捻東殘部仰食于奚後張仲武擊奚  
破之遏捻走室韋餘衆為黠戛斯所虜

回鶻浸  
耗威

八月葬端陵

在西安府三原縣東

賀善贊曰武宗天安英果善屬賢相故能外降黠虜內平劉稹然雖知惡釋人而仍信道流則亦未得為卓然

者

以牛僧孺為衡州長史李宗閔為郴州司馬

僧孺宗閔及崔珙楊嗣復李珣等五相皆武宗所貶  
逐至是同日北遷宗閔未行而卒

九月以李景讓

名從己登之孫

為浙西觀察使

景讓在浙西有牙將忤意杖之而斃軍中憤怒將為

變其母鄭氏聞之出坐聽事立景讓于庭而責之曰  
天子付汝以方面豈得以國家刑法為喜怒之資而  
妄殺無罪之人乎萬一致一方不寧豈惟上負朝廷  
使垂老之母銜羞入地何以見汝之先人哉命左右  
褫其衣坐之將撻其背將佐皆為之請久乃釋之軍  
中遂安

鄭氏性嚴明早寡家貧子幼每自教之它後  
墮陷得錢盈船母祝之曰吾聞無勞而獲身

之災也天必以光君餘慶矜其貧而賜之則願諸孤  
學問有成此不敢取違命掩而築之景讓宦達髮已

斑白小有過  
不免接楚

冬十月帝受三洞法籙于道士劉元靜

十二月戊辰朔日食



御批歷代通鑑輯覽卷六十一